

آبونه اولوق ایستیلردا اثره عدلیه ده
اداره مخصوصه سنه مراجعت
ایقلیدر

اغلاناتک بئرندن بر مجلیه اخذ
ایدیور

نسخه سی ۴۰ پاره در

کانون اول افرنجی

سنه لکی در سعادت ایچون مجلیه
بکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تبلیغ کیفیت اولوق اوزره اشوبو تحریراتک نسخ مطبوعه
کافیسی لقا ارسال قیلندی.

نشان

در سعادت بدایت محکمه سی مدعی عمومی

آتشیه فرار و نشریات مفسد تکارانه یه
اجتسار ایلدیکی و بناء علیه ارباب فساددن
اولدینی ادعاسیله متهم بولنان حسن رضا حقنده
اصول محاکمات جزائیة قانوننک اوچیز یتیش
برنجی ماده سی موجب مجرمه معامله مقتضیه ایفا
و محاکمه غیایه بالا اجرا نتیجه سنده مرقومک
مابه الاتهامی اولان افعاله مجاسرت ایتدیکی ثابت
اوله رق قانون جزائک الی سکرنجی ماده سنک
فقرة اولاسی حکمنه توفیقاً مؤیداً قلعه بند
ایدلسنه و او توز برنجی ماده قانونیه منظوقچه
حقوق مدنیه دن اسقاط اولمنسه و مقدمه اعلان
ایدیلان قرار نامه حکمنجه اموالنک اداره
ایتدیرلمنسه محکمه جنایتدن حکم اولنش و اصول
محاکمات جزائیة قانوننک اوچیز یتیش یدنجی
و اوچیز یتیش سکرنجی و اوچیز سکسان
برنجی ماده لرله مواد سائر سی احکامنه توفیق
معامله اولنسی مرجعنه بیلدیرلش اولغله ذکر
اولنان اوچیز یتیش سکرنجی ماده نک جمله
احکامندن اولدینی وجهله اعلان کیفیتیه ابتداء
قیلندی.

قومپانیه قابولرندن کجه جک رسمی تلغرافنامه لردن
شهری معین مقدارینک بجاناً امرار و فضله سنک
اجرتی اعطا اولنه جنی جهته خزینة جليلة نک ضرری
موجب اولماق اوزره تحدید ایدیلان کلمات مقدار
ینک تجاوز ایتدیرلما سی لزومی مقدما لازم کلنلره
اشعار ایدلش اولدینی حالد قابلو واسطه سیله چکیلان
تلغرافنامه لک مقدار متحقق حاضرینه نظراً رسمی
تلغرافنامه لک کلماتک مقدار معینی تجاوز ایدرک خزینة
جليلة نک ضرر دیده اولمقده ایدوکی اکلا شلمسنه
بناءً بو حالک تمادیسنه محل قالماق اوزره بعد ازیں
رسمی تلغرافنامه لک مراقبه شدید آلتنده بولندیر
لمسنه مجبوریت قطعی حاصل اوله رق بوبابده ولایات
شاهانه تلغراف مراکز مدیریتلرینه تبلیغات مقتضیه
ایفا اولندیغندن مخبرات تلغرافیه نک مواد مهمه
و مستعجلیه حصری و عباراتک ممکن مرتبه قصری
حقنده اول و آخر سبق ایدن تبلیغات عمومییه مخالف
حرکتله بر طرفدن تلارک بیهوده اشغالنه و فضله
مامور استخدا منه و اجرتیه تابع تلغرافنامه لک تأخیریه
تلغرافه کوستریلان رغبتک زوالنه و بناء علیه مصدا
رفک تزايد و وارداتک تناقصنه و دیگر طرفدن دخی
قابولره فضله تلغراف تحمیلله اجانب النده بولنان
قومپانیه لره بی لزوم اوله رق اجرت اعطاسنه سببیت
ویرن مأمورینک تضمینات و مؤاخذا نه دوچار ایدیله
جککرینک تلغرافله مخبره لری مجاز اولان مأمورین
ملکیه و عسکریه یه صورت قطعیده تهفیمی پوسته
و تلغراف نظارت بهی سندن در میان اولدینی و موجب مجرمه
ایجاب ایدن دوائر و ولایاته اجرای تبلیغات ایدلیدیکی
بیانیله عدلیه جه ده ایفای مقتضای داخلیه نظارت
جليله سندن بوکره باتذکره اشعار اولنش و پوسته
ایله اشعارنده محذور اولیان مواد حقنده تلغراف
کشیده ایدن مأموریندن اجرت استیفای و بواجرتک
معاشادن قطعی ذاتاً جهت عدلیه جه اصول متخذندن
اوله رق صورت اشعاره نظراً بوبابده برقات ده اوقت
واهتمام اولنسی ایجاب ایدنلره بیلدیرلش اولغله
مأموریتکزه ده اکا کوره حرکت لازم کلنلره ده

تبلیغات

در سعادت بدایت محکمه سی مدعی عمومی

فضیلتو نجم الدین افندی یه ایکنجی رتبه دن مجیدی
نشان ذیشانی احسان بیورلمشدر.

و ارتی نام قادینک خصمی پانوس علیهنده استحصال
ایلدیکی منع مداخله یی ناطق و فتوا خانه دن مصدق
برقطعه اعلام شرعی موجب مجرمه حصص معلومه نک
بالتفریق طرفنه تسلیمی ادعاسنده بولندینی عرصه
اوزرنده ابنیه موجود اولمسندن و اعلام مذکورک
بو جهت حقنده بر فقرة حکمییه شامل اولماسندن
ناشی ایفای معامله ده تردد ایدلیدیکی بیانیله استفسار
کیفیتی متضمن باندرمه قضای بدایت محکمه سی ریاستندن
وارد اولان تحریرات اوزرینه اعلام شرعینک مذکور
عرصه اوزرنده موجود ابنیه دن دولاتی محاکمه و محلا
صمه یی و بونک قلعی حقنده بر حکمی متضمن اولیوب
یالکز مزبوره و ارتی قادینک حصص معلومه سنه
مرقوم پانوس طرفندن وقوع بولان مداخله نک منعی
لزومندن عبارت اولمنسه و ذکر اولنان ابنیه یی هرا یکی
طرف کندولری انشا ایلدکلرندن بختله ادعای تصرف
ایتمکده اوللرینه نظراً محتاج محاکمه کورینان شو جهتک
حکم و قراره ربطی و نتیجه محاکمه دیکن مذکور
منع مداخله اعلامنک دخی تأخیر اجراسی اصولاً
و مصلحه مقتضی بولندینی انجمن عدلیه دن افاده و عدلیه
نظارت جلילה سندن اولوجهله ریاست مذکوره یه جواباً
تبلیغ ماده ایدلمشدر.

عدلیه نظارت بیلدیرلش عدلیه مقتضیه محاکم
استیفای مدعی عمومی بیلدیرلش نظیر قلنامه تحریرات عمومی
صورتیدر:

پوسته و تلغراف نظارتیه «ایسترن» تلغراف
قومپانیه سی بیننده منعقد مقاوله نامه موجب مجرمه مذکور

تعیین مرجع دعویه دأثر محکمه تمیز
استدعا دأثره سندن تنظیم واعطا قلنان ۱۰ ایلول
سنه ۳۱۹ تاریخی اعلامدر:

بک اوغلی بدایت محکمه سی برنجی جزا دأثره سیله
در سعادت هیئت اتهامیه سندن ویریلان قرارلرک
بکدیکرینه میان اولمندن دولای تعیین مرجع دعوی
طلبی مستدعی محکمه استیفاف مدعی عمومیلکی جانبندن
اعطا اولنان ۱۰ ایلول سنه ۳۱۹ تاریخی استدعانا مه
واوراق مفرعه سی باش مدعی عمومیلک مأموریت
بهیسه سنک ۱۶ ایلول سنه ۳۱۹ تاریخی تبلیغنامه سی
ایله برلشدیرلرک محکمه تمیز استدعا دأثره سنه تودیع
اولمغله قرائت و مطالعه اولندی .

اوراق مذکور مألرینه نظراً اوزنه نی جرح
ایلدیکی ادعا اولمندن دولای مظلوعیه اولان صالح
حقده مستقط طرفندن جنجه ایله لزوم محاکمه دأثر
ویریلان قرارنامه اوزرینه بک اوغلی بدایت محکمه سنجه
اجرا ایدیلان محاکمه مرقومک فعلی جنایت نوعندن
کوردلیکنندن تکرار مستقطه تودیع ایدیلش واولوجهله
اعطا قلنان قرارنامه هیئت اتهامیه جه بالتدقیق معاینه
راپورینه نظراً جرحلرک درجه سنه کوره مظنون
مرقومک جرمده قتل قصدینه دلالت ایدراحوال
کوردیه مامش اولدیغندن مستقط طرفندن جنایته
متدأثر اخیراً ویریلان قرار نامه نك فسخیه قانون
جزانک یوزتمش طقوزنجی ماده سی موجب جنجه
ایله لزوم محاکمه قرار ویرلش وشو صورته محکمه
مذکوره ایله هیئت اتهامیه مقرران بئنده حاصل
اولان اختلافک فصلی محکمه تمیزه عائد بولنش اولد-
یغندن مقتضای قانونیسنک ایضای بیان واستدعا
ومار الذکر تبلیغنامه ده دخی صورت جریان وقعه به
نظراً محکمه مذکوره جه ویریلان قرار مصیب و موافق
قانون کورلش اولدیغندن قرار مذکوره میان بولنان
هیئت اتهامیه مضطه سنک نقضی لازم کله چکی انبیا
اولمشدر .

ایجابی لدی المذاکره اوراق تحقیقیه مطالعه سندن
منفهم و هیئت اتهامیه مضطه سنده کوسترلدیکی اوزره
مرقوم صالحک مظنون اولدیغی جرح فعلندن دولای
تنظیم واعطا قلنان معاینه راپورنده تعیین و بیان
اولنان جرحلرک درجه سنه نظراً فعل مذکورک قتل
قصدیه وقوعنه دلالت ایدراحوال غیر موجود
بولنش وشو حاله کوره مرقومک جنجه ایله لزوم محاکمه
سنی مین اولان مضطه اتهامیه مندرجاتی موافق
اصول وقانون کورلش اولدیغندن اصول محاکمات
جزایه قانوننک در تیز اون سکرنجی ماده سی حکمه
توقفاً محکمه مذکوره نك جنایته متدأثر قرارینسک

نقضه واولوجهله ایضای معامله ایدلک اوزره اوراق
مرقومه نك محکمه مذکور به اعاده سنه ۳۰ ایلول
سنه ۳۱۹ تاریخنده متفقاً قرار ویرلدی .

باغچه قضاسنک جاملی ایچی قریه سندن انجه اوغلی
مصطفانک برادی ابراهیمی لیلأ و مسلحاً ضرب
واشیاسنی غصب ایلدیکری ادعا اولمندن دولای
جنایتله اتهام اولنان جودیه قریه ل بوز باش محمک
اوج سنه مدته کورکه قولمسنه دأثر جبل برکت سنجانی
بدایت محکمه سی جزا دأثره سندن ویریلان بئش طقوز
نومرولی اعلام

سلانیکده حلواجیق ایدن دورمشک دکانی
رزه سنی قیره رق باله خول باقرلر نی سرت ائمنسندن
طولای جنایتله اتهام اولنان بالقجی ایساق ولد یاقونک
اوج سنه مدته کورکه قولمسنه دأثر سلانیک ولای
استیفاف محکمه سی جزا دأثره سندن ویریلان بشیوز
درت نومرولی اعلام

حیسا تولید ایلدیکی ولد غیر مشروعی اتلاف
ایلدیکی ادعا قلمسندن طولای جنایتله اتهام اولنان
عایشه بنت خلیلک اون بش سنه مدته کورکه قولمسنه
دأثر سلانیک ولای استیفاف محکمه سی جزا دأثره .

سندن ویریلان ایکیبوز اوتوز بش نومرولی اعلام
یوز بانی شاهین افندی ایله آحاددن سننک
قاتلی خودیه معاونت ائتملرندن طولای جنایتله اتهام
اولنان ابراهیم بن مرینک بش وشرمش بن امین
وحسن بن بانوسک اوجر سنه مدتلرله کورکه
قوللرینه دأثر بانیه ولای استیفاف محکمه سی جزا
دأثره سندن ویریلان یوز سکسان ایک نومرولی اعلام
ایساق اوغلی بقال یاقونک لیلأ دکانی بنجره سنی
آچهرق دروندن اشپاسنی سرت ایلدیکری ادعا
قلمسندن طولای جنایتله اتهام اولنان بکر بن خلیل
وقورنجی مصطفانک اوجر سنه مدتلرله کورکه
قوللرینه دأثر تکفور طانغی سنجانی بدایت محکمه سی
جزا دأثره سندن ویریلان سکسان بش نومرولی اعلام
دیوریکلی اوغلی بغوصک کریمه سی خایقه نوشک
لیلأ خانه سی دیواری ده لره سرتقه تصدی ایلدیکی
ادعا قلمسندن طولای جنایتله اتهام اولنان قرهت
ولد اندریاسنک اوج سنه مدته کورکه قولمسنه دأثر
اماسیه سنجانی بدایت محکمه سی جزا دأثره سندن
ویریلان ۳۷ نومرولی اعلام

سیار طوبیجی نفراتندن سید علی بن سیدی قتل
ایلدیکی ادعا قلمسندن طولای جنایتله اتهام اولنان
ترکجی عثمان بن عمرک اون بش سنه مدته کورکه
قولمسنه دأثر ادرنه ولای استیفاف محکمه سی جزا

دأثره سندن ویریلان ۱۵۰ نومرولی اعلام
سینجه قضاسنک شیجه قریه سندن سیدونک
حیواناتی غصب ایلدیکی ادعا اولمندن دولای جنایتله
اتهام ایدیلان حسین سلیمانک اوج سنه مدته کورکه قولمسنه
دأثر سینجه سنجانی بدایت محکمه سی جزا دأثره سندن
ویریلان ایکیبوز اوتوز نومرولی اعلام
یافه قضاسنک له قصبه سی اهالیسندن محمد افندی
ابن بکر الکبانیک مغازه سی قیوسی کسر ایله دروندن
سیسام یاغی سرت ایلدیکری ادعا قلمسندن دولای
جنایتله اتهام اولنان خلیل بن مصطفی و محمد بن علینک
اوجر سنه مدته کورکه قولمسنه دأثر قدس شریف
سنجانی بدایت محکمه سی جزا دأثره سندن ویریلان
یوز اون اوج نومرولی اعلام محکمه تمیز جزا دأثره سنجه
تصدیق اولمشدر .

در سعادت جنایت محکمه سندن تنظیم واعطا قلنان اعلامدر:

بیک اوچوز اون طقوز سنه سی شهر جزیرانک
اون اوچنجی کونی مجسارده میخانه جی کل مهرانک
دکانی اوکنده لئونه تشیر سلاح ایتدیکری ادعاسیله
مظنون بولنانلردن آستانلی وطلوبه جی بکر می
بش باشند علی بن حسن وکذک آستانلی وطلوبه جی
یکرمی باشند مرجو نام دیگر خلیل بن مصطفانک
جنایتله اتهاملرینه دأثر هیئت اتهامیه دن تنظیم قلنان
مضطه ایله استیفاف مدعی عمومیلکنک ۱۰ ایلول سنه
۳۱۹ تاریخ وبش یوز اون بدی نومرولی اتهامیه سی
اوراق مفرعه سیله معاً محکمه حایته تودیع قلممغله
بالمطالعہ تفصیلانی اولبایده طویلان ضبطنامه دن
مستبان اوله جنی اوزره اصول محاکمات جزاییه
قانوننک باب ثانیسنک فصل رایعنه محرر اولان
معاملات ابتدایه بعد الاضا اوچوز اون طقوز
سنه سی ایلولنک اون یدنجی کونی متمان مرقومان
علی الاصول توقیفخانه دن کتوردیلرک وکیللری
طنغر سیمون افندی واستیفاف مدعی عمومیلکی
معاونلرندن عزتلو ادهم بک حاضر بولندقلری حالده
محاکمه صالونه چقیبلررق اجرای محاکمه علنییه
بالابتدار متمانلرله وکیلله لازم کلان اخذارات قانونیه
ایضای قلندقدن صکره هیئت اتهامیه مضطه سی ایله
اتهامنامه ضبط کانی وھی بک قرائت ایتدیرلدی .

مذکور مضطه ده مظنون بولنان علی و مرجو
نام دیگر خلیلک مجارده میخانه جی کل مهرانک دکانی
اوکنده لئونه تشیر سلاح ایلرلرندن طولای اتهاملرینه
اخبارات وسائر دلائل وامارات کافی کورلش وحر-
کتلری قانون جزانک یوز سکساننجی ماده سنک

علاوه سی حکمنی مستلزم افعال جانبندن بولنش
اولدیغندن جنایتله اتهاملرینه قرار ویرلدیکی محرر
واتهامنامه ده دخی مرقومانک جنایت مذکور نك
فاعللری بولمغله اتهام ایدلرکلی مسطر در .
اتهامنامه نك خلاصه مأل جانب راستدن متمان
مرقومانه تفهیم وتوضیح ومعاون موسی ایله جانبندن
دخی دعوانک تشریح اولمسنی معقب متمان مرقومان
سولتدیرلرکده بولردن علی، لئون سرخوش اولهق
یانلرینه کلوب کندولرینه اسکمه وطاش آتمش ایسه ده
مقابله ایتدیکنی والنده بمچاق اولمدیغنی وفراری ایسه
قورقوسندن اولدیغنی وقولنه طاش آلتدیغنی درمیان
وخلیل دخی دیل منازعه سی ایتش ایسه لره تشیر
سلاح ایدن اولمدیغنی وحاصل اولان کورلی اوزرینه
قولگش اولدیغندن خوفله قاجدیغنی وذاتاً هر ایکسی
سکر حال اولدقلری بیان ایله اصلا تشیر سلاح
ایتدیکرنی انیان ایدیلر .

بنسأ علی هذا ۱۳ ایلول سنه ۳۱۹ تاریخی
خایطه عدلیه تقریری قرائت ایتدیرلرکده مألنک
مرقومان علی و مرجو خلیلک مجارجاه سنده میخانه جی
کل مهرانک دکانی اوکنده منازعه ایتدیکه اولدقلری
استخبار ایدیلرک قول مأموری موسی افندی کوند
دلکده الرنده یالین قا اولدیغنی حالده طلوبه جی
لئونک اوزرینه هجوم ایتدیکه اولدقلری کورلش
ودردست اولنه جقلری انشاده خلیل رفیق علینک
الندن قسانی آله رق بلبل دره سی جهته طوغری
فرار ایدرک دیکری دردست ایله موقعه کتورلش
اولدیغنی ولئون جلب ایله سولتدیرلرکده کندوسی
مهرانک دکانی اوکنده اوطورمقده ایکن مرقومان
بلا سبب حامل بولندقلری قسارنی کشیده ایدرک
اوزرینه قتل قصدیه هجوم ایتدیکرنی وکندوسی
محافظه ایتش ایسه ده مرقومان تشدید هجوم ایتدیکرنی
تخلیص نفس ضمنده بردن برطاش آله رق علینک
قاسنه اوروب الندن دوشوردیکنی واونشاده قول
هیئی کلسیله مرقومانک فرار ایتدیکرنی وحقلرنده
مدعی ایدوکنی ایراد ایلدیکسندن مرقوم علینک
استجوابنده مرقومه دیل منازعه سی ایتدیکرنی
وقا کشیده ایتدیکرنی یاد ایش و مرجو هر نه قدر
تحریر اولنش ایسه ده بولنه مامش ایدوکی و مرقومانک
حرکتلرینک صاری دیوس نام دیگر مغیر و قودنره جی
جورجی وچاشورجی قوه یلک افاده لرندن اکلا-
شدیغنی خصوصاتندن عبارت ایدوکی مستبان اولدی .
قرائت اولنان اوراق مأل نه دیه جکی متمانندن
صورلدقه قبول ایتیجه جکلری جوابی آندی .

مدعی عمومیلک جانبندن ویریلان شهود بولسه
سنده اسامیسی محرر اولوب دعوت واقعه یه اتباعاً

ورود ایتدیکری خبر ویریلان کسان بربرر حضور
محکمه یه چقاریلررق عندالسؤال متمان ایله قرابت
ومناسبت وخصوصاتلری اولمدیغنی سوللرله اصولاً
تخلیقلری بعدالاجرا منقرداً ومواجهه استماع اولند
قلندره بولردن فریدیه موقعده مستخدم و ۲۲ نومرویه
مقید پولیس افرادندن اوتوز باشند آستانلی موسی
افندی ابن حسن، لئون وعلی وخلیلک منازعه ایتدیکه
اولدقلری مهرانک جرائغی طرفندن کندوسنه اخبار
اولمغله برابرنده اولان قول نفراتیله کیدوب مرجو
خلیلک النده بمچاق اولدیغنی حالده آجیقده طورمقده
وعلینک دخی النده کی بیخافله لئونه هجوم ایتدیکه
اولدیغنی کوردیکنی وعلی بر اوچنجی دفعه اوله رق
شدلی هجوم ایتدیکسندن هان باغردیغنی و بوججومی
لئونک بوکرینه طوغری اولدیغنی وباغرمسنی معقب
براز کری چکملکه درحال لئون برطاش آلوب آتمش
اولدیغندن مذکور طاش علینک قوله اصابت ایدرک
النده کی قایره دوشدیکنی واونشاده خلیل هان قانی
یردن آلوب فرار ایتش ایسه ده دیگر متم علی نی
دردست ایتدیکرنی وخلیل دخی تقسیمده طومش
ایسه لره قانر بولنه مدیغنی افاده استنطاقیه سی وجهله
اخبار واکر کندوسی بئشماش اولسه ایدی متمانک
لئونی اتلاف ایدجه کلکرنی و بچاقلری قول اوزونلغده
صالدیرمه اولدیغنی وفرارلرند سننده له مدکلر نی
وانشای وقعه ده اولدیره چکرکی برسوز سوبلدکلر نی
ایشتمدیکنی وشهادتک حاضر بولنان متمان علی
و مرجو خلیل حقلرنده اولدیغنی علاوه کفتار ایلدی .
متمان علی و مرجو خلیل بوشاهدک ذات وشها-
دتنه برده جکلری اولمدیغنی سوبلدیلر .

مجارده میخانه جی مهرانک دکانی اقصا لنده کی
خانه ده ساکنه قرق بدی باشند آستانلی یازمه جی
آغوبک زوجیه سی چاشورجی تقوه ی بنت بازسیخ
لئون وعلی و مرجو نام دیگر خلیل یکدیگرلره دیل منا-
زعیه سی ایتدیکرنی خانه سی باغچه سنده چاشور بیقامقده
ایکن ایشیده رک طیشاری به چقوب باقدیغنه علی
و مرجو خلیلک الرنده قا اولدیغنی حالده لئونه هجوم
ایتدیکرنی کوروب فریاد ایتدیکنی و او صرده بریسی
علی نی طومش اولدیغندن آرقه دن خلیل صاپلامق
اوزره قانی حواله ایتش ایسه ده هان لئونه آرقه سی
جویرمسنی سوللسیله درعقب مرقوم کندوسنی
کری به آتمش اولدیغندن برشی اولمدیغنی وطاش آتد-
یغنی کورمدیکنی وعلی دردست اولنش ایسه ده خلیل
النده بمچاق اولدیغنی حالده فرار ایتدیکنی افاده
استنطاقیه سی وجهله بیان واکر فریاد ایتیبوده
ودرحال قول هیئی کلسه ل مرقومانک لئونی اتلاف
ایده جکلرنده شبهه اولمدیغنی وشهادتک حاضر بولنان

متمان حقلرنده ایدوکنی علاوه آتیان ایلدی .
متمان علی و مرجو خلیلدن بوشاهدک ذات
وشهادتنه نه دیه جکلری صورلدقه سکوت ایدیلر .
ینه محل مذکورده سکسان درت نومرولی دکانه
میخانه جی اوتوز الی باشند مهران ولد اوخانس، لئون
وعلی و مرجو خلیل میخانه ده لساناً منازعه یه باشلا دقدن
صکره طیشارویه چقهرق بولردن علی حامل اولدیغنی
بیاض صابلی بمچاغی چکرک لئونک اوزرینه صالدیردیننی
وحتی لئون اورلش ظن ایتدیکنی واداره لی لئون
فرار ایتش ایسه ده علی تعقیب ایتدیکه باشلا دقدن
مرقوم لئون هان یردن آلدیغنی طاشی علینک قوله
اورمسیله الندن بمچاغی دوشدیکنی و او صرده کلش
اولان مأمورین طرفندن دردست اولدیغنی وعلی
بر قاج دفعه هجوم ایتش ایسه ده مرجونک برقل
وحرکتی کورمدیکنی ومتمانک سکر حال اولدقلر-
نی افاده مضبوطه سنه موافق صورته ایراد ولدی-
الاستیضاح انشای وقعه ده متمانندن اولدیره جکلرینه
دأثر برکونه سوز ایشتمدیکنی وشهادتک حاضر
بولنان متمان حقلرنده ایدوکنی یاد ایلدی .

متمان علی و مرجو خلیل بوشاهدک ذات
وشهادتنه ده جکلری اولمدیغنی سوبلدیلر .
ینه محل مذکورده طقسان بدی نومرولی خانه ده
ساکن اون طقوز باشند قوندیره جی جورجی ولد یوصف،
مهران ایله لئون کوریشمکده لری ایکن علی و مرجو
خلیل میخانه دن چقهرق و بولردن مرجونک النده
صالدیرمه وعلی ده قا ایله لئونک اوزرینه هجوم ایدرک
صالدیرمش ایسه لره لئون کندوسنی قوردیغندن
اصابت ایتدیره مدکلر نی و بالاخره لئون یردن برطاش
آلوب آتمسیه علینک قوله اصابت ایدرک النده کی قای
یره دوشدیکنی ودرحال مرجو خلیل یردن قانی آلوب
علی به یردیکنی وعلی تکرار هجوم ایتش ایسه ده پولیس
موسی افندینک باغرمسی اوزرینه کری به چکملکه
وهان فراره باشلاملرله مأمورین تعقیب ایدرک علی
نی دردست ایتدیکرنی وموسی افندی بئشماش
اولسه لئونی اولدیره جکلرینه شبهه اولمدیغنی افاده
استنطاقیه سی وجهله بیان وعندالاستیضاح علی طر-
فندن واقع اولان هجوملرک بریسنده قانک لئونک بانطولونه
اصابت ایدرک برمقدار برنی یردیغنی وشهادتک
حاضر بولنان متمان حقلرنده ایدوکنی علاوه
درمیان ایلدی .

متمان علی و مرجو خلیل بوشاهدک ذات وشها-
دتنه ده برده جکلری اولمدیغنی ایراد ایدیلر .
(مابعدی کله جک نسخه یه)

اِخْلَافَات

ارضروم استيفاف مدعى عمومى بکلمه:

قره کلیسا قضاخانه تابع قلندر قریه لی سیمونک کیفیت جرح وقتلندن دولای مظنون بولسان یوسف اوغلی عمرک فعل مذکوره مجاسرتله فرار ایلدیکی اولابده کی اوراق تحقیقه ماللرندن اکلشلمش وحرکتی قانون جزانک یوزیتشجی ماده سی حکمى مستلزم مواد جنایه دن اوله رق بایزید بدایت محکمه سی جزا دائره سنده محاکمه سی اجرا قلنمق اوزره جنایتله اتهامه قرار ویرلمش اولدیغندن مرقومک هرزده کوریلور ایسه دردستله محکمه مذکوره توقیفخانه سینه تسلیمی لازم کله جکی بالجله ضابطه عدلیه مامورلرینک معلومی اولمق اوزره اشبو اخذ وکرفت مذکوره سی ارضروم هیئت اتهامیه سندن تنظیم واعطا قلندی .

باسیلر قضاخانه تابع خوروم علیا قریه لی صالح اوغلی طورسون وملاخیایه قتل قصدیه قورشون آندیغندن دولای مظنون علیه بولسان خوروم سفلا قریه لی حسن اوغلی حسینک فعل مذکوره مجاسرتله فرار ایتدیکی اولابده کی اوراق تحقیقه ماللرندن اکلشلمش وحرکتی قانون جزانک یوز سکسانجی ماده سندن علاوه سی حکمى مستلزم مواد جنایه دن اوله رق ارضروم استيفاف محکمه سی جزا دائره سنده محاکمه سی اجرا قلنمق اوزره جنایتله اتهامه قرار ویرلمش اولدیغندن مرقوم هرزده کوریلور ایسه دردستله محکمه مذکوره توقیفخانه سینه تسلیمی لازم کله جکی بالجله ضابطه عدلیه مامورلرینک معلومی اولمق اوزره اشبو اخذ وکرفت مذکوره سی ارضروم هیئت اتهامیه سندن تنظیم واعطا قلندی .

قره کلیسا قضاخانه قریه تی قریه لی رسول اوغلی نقی محمدی تفنک قورشونیه جرح وقتل ایللرندن طولای مظنون بولانلردن اخاط ناحیه سنده باشکند قریه لی علی ذینک اوغلی رسول ودوانک اوغلی احمدک فعل مذکوره مجاسرتله فرار ایلدیکاری اوراق تحقیقه ماللرندن اکلشلمش وبولردن رسولک حرکت واقعه سی قانون جزانک یوز یتیش دردنجی ماده سندن فتره اخیره سی واحمدک فعلی دخی یوز یتیش بشنجی ماده سی احکامی مستلزم افعال جنایه دن اوله رق بایزید بدایت محکمه سی جزا دائره سنده محاکمه لری اجرا ایدلمک اوزره جنایتله اتهاملرینه قرار ویرلمش اولمقه مرقومان هرزده کوریلور ایسه دردست اوله رق محکمه مذکوره توقیفخانه سینه تسلیم ایدملری

لازم کله جکی بالجله ضابطه عدلیه مامورلرینک معلومی اولمق اوزره اشبو اخذ وکرفت مذکوره سی ارضروم هیئت اتهامیه سندن تنظیم واعطا قلندی .

نجات بحریه محکمه سنده :

کک پاشاده کلیسا زقاغنده خانه سنده و بهاریه ده طوغله خرمنلرنده ساکن ابکن تجارت بحریه محکمه سندن افلاسه نه حکم اولنش اولان طوغله جی حاجی آصادور مارقاریان ایله حاجی آصادور مارقاریان قوماندیت شرکتک خصوصات افلاسه سندن رؤیت وتسویه سی ضمننده دعوی وکیللرندن قره بت آجیان وعلی افندیلر اصالة سندیک تعیین قلنمش اولدقلرندن مفاس مرقوم ذمتده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی اوچوز اون طقوز سنه سی کانون اولنک یکریمی بشنجی پنجنه ویکرمی یدنجی جمعیه ایرتسی ویکرمی طقوزنجی بازار ایرتسی کونی تجارت بحریه محکمه سندن افلاس او طه سینه کله رک سندیک افندیلر مواجهه سنده آله جقلرینی اثبات وقید وتصدیق ایتدیرملری ومدت مذکوره ده اثبات وجود ایده میان آله جقلولر حقنده قانون مذکورک ۲۱۰ نجی ماده سینه توفیقاً ایقای معامله اولنه جنی اعلان اولنور .

در سعادت تجارت محکمه سی اجرا دائره سنده :

دوقتور میرلوا سعادتلو یورغاکی لامیسیک پاشایه متوفاة والده سی ظافریجه خاندن موروث جبالیده سفریقوز محله سنده ۲۱۷ عتیق و ۱۹۵ جدید نومرو ایله مرقم مقدما خانه الیوم عرصه اوزرینه رالی بنت دیمتری طرفندن ایکنجی محکمه تجارتک ۲۱ تشرین اول سنه ۲۹۴ تاریخلی قراریله موضوع حمزک فکته و اوچوز یکریمی ایکی غروش مصارف محاکمه نک مزبوره رالی یه عائدینه دائر محکمه مذکوره دن ویریلان ۱۵ تشرین اول سنه ۳۱۹ تاریخلی و ۳۲۶ نومرولی اعلام غیابی صورت مصدقه سی مزبوره رالی قادینک اقامتگاهى مجهول اولمق ملاسه سیله ۱۶ تشرین اول سنه ۳۱۹ تاریخنده اعلاتاً تبلیغی اجرا قلنمش وحکم اعلامک انفاذی مدعى مومى ایله طرفندن باعرفضحال طلب ایدلمش اولدیغندن تاریخ اعلاندن اعتباراً طقسان برکون ظرفده مزبوره رالی بنت دیمترینک دائره اجرا ده اثبات وجود ایله حمز مذکورى فک ایتدیکی ومصارف محاکمه تی تسویه

ایتدیکی ویا قانوناً شایان قبول بر جواب ویرمیدی تقدیرده حکم اعلامک اجرا ومعامله نظامیه سنک ایفا ایدیله جکنی یعنی حمز موضوع مذکورک فک اولنه جقنى مین تنظیم قلنان اشبو اخبارنامه اصول محاکمه حقوقیه قانوننک یکریمی التجی واجرا قانوننک یکریمی طقوزنجی ماده لری موجبجه مزبوره رالی قادینه تبلیغ ایدلمش عد اولنمق اوزره محکمه تجارت اجرا دائره سی دیوانخانه سینه تعلیق اولندیکی کبی غزته لرله دخی اعلانه مبادرت قلندی .

بک اوغلی بدایت محکمه سی اجرا دائره سنده :

حاجی علی اکبر افندیلرک بک اوغلی بدایت محکمه سی برنجی حقوق دائره سندن استحصال ایتیش اولدیکی اعلام موجبجه جمال وحکمت بکلر ذمتلرنده محکوم به آله جنی اولان معلوم المقدار مبلغک تأمین استیفاسی ضمننده مروهون اولان برعدد مستعمل آلتون جیب ساعتی ایله کذلک مستعمل کوکس ایکنه سنک فروختی تقرر ایتیش اولمقه طالب اولانلرک شهر حالک التجی جمعیه ایرتسی کونی ساعت یدی بچق قرارلرنده چارشوی کبیبرده بدستان عتیقه اثنای مزایده ده ماموری مواجهه سنده حاضر بولملری بک اوغلی بدایت محکمه سی اجرا دائره سندن اعلان اولنور .

اسکدار بدایت محکمه سی اجرا دائره سنده :

مصطفی حامی بک ورته سنک رقیه خاتم ذمتده با اعلام مع مصارف محاکمه آله جنی بولنان مبالغک تأمین استیفاسی ضمننده حمز آلتنه آلتان در سعادتده چارشوی کبیبرده یاغلقجیلر جاده سنده برطرفی فاطمه رحیمه خانمک دکانی وبرطرفی اورجیلر حماسی وبر طرفی شمعدانجی اوغلی دکانی وطرف رابی طریق عام ایله محدود بلا کدک کارگیر برقطعه دکان ایله یته چارشوی کبیبرده قالپاچیلر باشنده بر طرفی کتبه دن خالد بکک دکانی ودیکر طرفی تحسین بکک فسجی دکانی وطرف دیکری بات بازاری حاجی حسن زقاغی وطرف رابی طریق عام ایله محدود بر باب دکان دروننده مستقر مع ملک خفاف کدکک ربع حصه سنک تاریخ اعلاندن اعتباراً اون بش کون صکره بالمزایده فروخته مبادرت اولنه جنی اسکدار بدایت محکمه سی اجرا دائره سندن اعلان اولنور .